



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

45. Sigismundi Imp. Diploma Dat. Norimbergæ, Anno MCCCCXXII.

**urn:nbn:de:hbz:466:1-14268**

diant, inquietent aut turbent, quam chara omnibus & singulis est, prædicti gratiosi Domini nostri Marchionis gratia & fauor, nostrumque insuper mandatum. In testimonium veritatis omnia supradicta firmiter & inuolabiliter obseruandi, nostrum sigillum hisce litteris appendi curauimus. Datum anno Domini millesimo quadringentesimo octauo, vigilia Beati Bartholomæi Apostoli.

45.

*Sigismundi Imperatoris Diploma Datum Norimbergæ,  
Anno MCCCCXXII.*

**I**N nomine sanctæ & indiuiduæ Trinitatis feliciter Amen. Sigismundus Dei gratia Romanorum Rex semper Augustus, ac Hungariæ, Bohemiæ, Dalmatiæ, Croatiæ &c. Rex ad perpetuam rei memoriam, ad hoc summi dispositione præsidij principalis Monarchiæ obtinuimus principatum, ad hoc sacri Romani Imperij suscepimus dyadema, vt si ad alia extrinseca nos sollicitudo prouocet assidue, ad ea tamen, quæ statum felicem & quietum, ac incrementum iurium, gratiarum, & libertatum, personarum religiosarum respiciunt, tanto intendamus vberius, quanto nostrum præ cæteris mundi Principibus solum magnificentius erexit celestis prouidentia Creatoris. Hanc religiosorum Abbatis & Conuentus Monasterij S. Maximini prope Treutrim ordinis S. Benedicti, deuotorum nobis dilectorum oblata nostro culmini petitio continebat, quatenus de solitæ benignitatis nostræ clementia eis omnia & singula priuilegia, litteras, libertates, concessiones, donationes & gratias, quas & quæ à diuæ memoriæ Romanorum Imperatoribus ac Regibus prædecessoribus nostris, ac alijs Christi fidelibus obtinuisse noscuntur, approbare, innouare, ratificare & confirmare gratiosius dignaremur. Nos igitur, qui personas Monasticas, quæ conditori nostro condignum assidue præbent obsequium, promouere desideramus assidue, supradictorum Abbatis & Conuentus deuotis supplicationibus fauorabiliter annuentes autoritate Romana Regia, & ex certa nostra scientia eis omnia & singula priuilegia, nec non omnes & singulas libertates, concessiones, donationes, litteras, & gratias ipsis Abbati & Conuentui supradicti Monasterij à diuis Romanorum Imperatoribus & Regibus, ac alijs Christi fidelibus, ritè & prouide concessa & tradita ac concessas & traditas in omnibus suis tenoribus, punctis & clausulis de verbo ad verbum prout scriptæ sunt seu scriptæ forent, etiam si de his iure vel consuetudine mentio specialis fieri deberet autoritate & scientia prædictis approbauimus, innouauimus, ratificauimus & confirmauimus ac præsentibus approbamus, innouamus, ratificamus, & gratiosius confirmamus. Nulli ergo omnino hominum liceat hanc nostræ approbationis, innouationis, ratificationis, & confirmationis paginam infringere, aut ei quouis ausu temerario contraire. Si quis autem hoc attentate præsumpserit nostram & Imperij sacri indignationem se nouerit incursum, præsentium sub nostræ Maiestatis sigillo, testimonio litterarum. Datum Norembergæ Anno Domini Millesimo quadringentesimo vigesimo secundo, secunda die Mensis Septembris Regnorum nostrorum Anno Hungariæ &c. tricesimo sexto, Romani duodecimo, Bohemiæ verò tertio P. D. G. Episcopum Patauensem Cancellarium Michael Præpositus Boleslauenfis.